

Gran motor den Carnaval y deporte, Errol Earle Brown

Recipiente di condecoracion gubernamental

DECO'S HEAVY EQUIPMENT

Cas Ariba 43B - Tel: 856969

*Himno y Bandera ta orguyo
di tur e Arubianonan
cu ta biba riba e pida
baranca aki.*



*Semper nos a demostrá di ta
un pueblo balente y determiná,
laga nos Himno y Bandera
ta un orguyo pa sigui progresá*

Aruba su Carnaval ta conocí rond mundo pa su fantasia, color y ambiente único. Ta casi mitar siglo cu Carnaval a haya su lugar den e cultura Arubano y awe e ta e atraccion na comienzo di aña di mas grandi di Aruba. No obstante cu Carnaval di Aruba ta un celebracion nacional, toch mester acentuá cu ta algun figurá Arubano ta resaltá den nan aporte pa cu Aruba su Carnaval.

Un di e figuranan ey sin duda ta Errol Brown, nací na Aruba riba 28 di Juli 1944, casá y Tata di dos jiu. Apesar cu Errol a nace den cuna di Aruba su Carnaval y tin Carnaval den su sanger, tabata te na 1963 cu el a haci su entrada oficial y activo den e fiesta aki.

Entre 1963 y 1968 Errol a estrená su mesun creacion y fantasia. Di aña 1968 pa 1975 el a aceptá e reto grandi di ta lider di su propio grupo y a destacá semper de e mihornan participando den Carnaval. Siendo ya un profesional tanto den creatividad Carnavalesco, como den e parti organisatorio, el a yuda tambe den diferente otro grupo di Carnaval.

Den e década 90 Errol a wordo honrá dor di Coastal Carnival Group pa prepará y dirigí e grupo mencioná. Errol su trabao y esfuerzo a keda coroná cu no menos di seis biaha grupo di aña y na aña 1999 e grupo di Coastal a kibra record di mas hopi participante, mas di 1000 participante. Errol su caracter firme y disciplina no a keda na Carnaval so.

Riba terreno di deporte Errol ta activo tanto comod eportista y despues pa duna guía. Practicando Judo Errol a bishitá paísnan manera Puerto Rico, Canada, Cuba y Antiyas semper dunando lo máximo di dje pa defendé honor di su isla.

Den deporte, e liderazgo di Errol no a keda tras mirando cu e ta co-fundador di Lago Heights Softball Team pa despues presidí e parti organisatorio di dicho team.

Den su bida diario Errol a cumenzá traha na aña 1962 na LAGO como electricista y a crece bira planner senior supervisor na 1981.



Di aña 1981 pa 1985 Errol a uni su mes na e cuerpo boluntario di LAGO ascendiendo di capitan pa fire chief. Na 1986 el a fungi como asistente di hefe di bombero na Brandweer.

Desde aña 1986 pa 1989 el a fungi como instructor den cursonan di prevencion di candela ofrecí pa empleadonan di diferente hotel. Errol ta empleá di 1990 pa 2000 cu e compania Coastal como safety and security superintendent.

Na 1995 el a gradua como emergency medical technician y na 1996 na Filipinas como instructor pa duna entrenamiento na pagador di candela y recientemente na e academia mas grandi na Merca pa loke ta regardá combatimento di candela.

Riba terreno social deportivo Errol Brown a participá den numeroso organisacionnan manera entre otro Codesan, Comision Plan Sasaki, Comision Salsa Carnaval, Judo Bond y tambe South y Junior League.

S.V. Caribe tambe ta celebrá dia nacional

Awe, Diabierna 17 di Maart, S.V. Caribe lo tin un otro celebracion di Dia Nacional di Himno y Bandera.

Esaki ta cumenzá pa 6'or di atardi cu Happy Hour te 7'or di anochi. Despues disfrutá di un bon plato crioyo y show folklórico. Di 10'or en adelante y te cu 12'or di anochi lo tin presentacion di Mariachi Lirio del Campo. Directiva ta conta cu presencia di un y tur. Corda trece amigo y famia pa disfrutá huntu di e festeho aki.